



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

De Fvrtis. Titvlvs V.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

manuetudinem non negamus: misericordes ab eis non avertimus oculos, illisque pium animum exhibemus. Ideoque omnes prædictas, depositionis à cardinalatibus, privationis à beneficiis & ecclesiis, inhabilitatis ad papatum Romanum, & bonorum, & iurium quæ certis nobilibus Romanis civibus & aliis concessa sunt (confiscationibus exceptis, in quibus nihil immutamus ad præsens) sententias, poenas & multas, & alias, quæ in processibus memoratis sive alibi continentur: verbo etiam in vita ipsius, vel in morte in eos latas & inflictas, seu confirmatas & innovatas per prædec. eundem, sicut si (ut prædicatur) essent per nos specialiter numerate, & nominatim expressa, tam ad prædictas Jacob. & fil. dicti Ioan. de Col. masculinam & foemininam prolem, eorundem Ioan. & filiorum, & per utrunque sexum posteritatem descendentem ab eis, Pe. & Richardum, & Ioann. de monte nigro præfatos, quam ad coadjutores, fautores, receptatores, susceutores, & sequaces eorum quoslibet alios, penitus tollimus & viribus vacuumus: Ita, quod nec etiam pro præterito tempore possint super eis aliqua personæ impeti, quæ incurrisserint eas, aut contra ipsas aliquem effectum habere. Eisque quod quævis alia quam præfatarum, depositionis à cardinalatibus, privationis beneficiorum & ecclesiarum, confiscationis bonorum & iurium, quæ (ut præmittitur) dictis civibus seu aliis sunt concessa, & inhabilitatis ad papatum, sententia sive poena abstrulit, reddimus. Et irregularitatem, si quam quocumque modo contraxerint, removemus, & noram abolenus ipsius. Inhibentes ne iam dicta præfate cum monte suo readificetur, vel muniatur, aut civitatis nomen, sive episcopatum recuperet absque nostra licentia speciali. Non obstantibus quibuscumque constitutionibus, processibus, inhibitionibus, decretis, privilegiis, indulgentiis, & literis Apostolicis, per quæ præsentibus non expressa, vel totaliter non inserta, earum effectus possit quomodolibet impediri: & de quibus, quorumque totis tenoribus, de verbo ad verbum, debeat in nostris literis fieri mentio specialis.

DE FURTIS.
TITVLVS V.
CAP. VNIC.

Publicatio excommunicationis lata in eis, qui furati sunt thesaurum ecclesie, quem iubente Clemente Papa de Perusio in Lucanam civitatem tres viri hic nominati deportaverant. Et hic habetur optima practica monendi malefactores, ut intra certum terminum satisfaciant, alias excommunicationem incurant: & modum ipsius excommunicationis publicanda hæc extravaganantia manifestat.

Ioannes XXII.

INFIDELIS & solida prædicationis alumni se per culpæ vitium indignos efficiunt, ut matris ecclesie filii nuncupentur, dum ad ipsius matris injuriam se convertunt (quod gravi nos commotione perturbat) matris eiusdem pietatem offendunt: & his in perniciem miserabili cæcitate dilapsis, resurgunt infamiz maculis loca propriæ nationis. Dudum siquidem nonnulli degeneres filii, qui ad quæque nefaria currere sunt ausi, perverfis ausibus in matris eiusdem prosilientes injuriam & offensam, illam thesauri sui maximam partem, quæ de Perusio ad civitatem Lucanam de mandato sœlic. recor. domini Clementis Pa. V. prædec. nostr. dum adhuc viveret, per dilectos filios Vitalem de Chabenate, clericum Burdegalem, diocæs. & Gul. de Luna, servientem prædecessoris eiusdem, unâ cum dilecto filio Jacobo de Casalibus Decano ecclesie S. Severini Burdegali. dioc. Capellano nostro, extiterat deportata: & que in sacristia monasterii S. Fedriani Lucanen. tunc temporis servabatur: deinde ad cameram prædecessoris eiusdem fideliter deferendam tempore invasionis civitatis

Lucanen. direperant in prædam, & de præfata sacristia per violentiam asportarunt. Nos igitur ad recuperationem thesauri prædicti sollicitis studiis prætendentes, omnes & singulos asportantes thesaurum prædictum, & alios, penes quos aliqua de thesauro fuerunt, vel adhuc existunt, auctoritate Apostolica coram hac fidelium multitudine copiosa monemus, ut ea nobis aut ei, quem ad id duximus deputandum, intra quatuor mensium spatium à die datæ publicationis præsentium numerandum cum integritate restituant & assignent: ac omnes & singulos scientes, ubi, vel penes quos aliqua de dicto thesauro extiterint, vel existant, ut intra terminum prædictum, nobis aut ipsi deputato nostro indicare studeant: aliaquin in omnes & singulos monitionis huiusmodi contemptores, cuiuscumque dignitatis, status, vel conditionis extiterint, etiam si patriarchali vel superiori, aut lia quacumque præzeminant dignitate, ex nunc auctoritate prædicta excommunicationis sententiam promulgamus: Mandantes illos per diocæsanos locorum & rectores parochialium ecclesiarum civitatum & diocæsium earundem singulis diebus dominicis & festivis pulsatis campanis & candelis extinctis & festivis pulsatis nunciari: processuri ad graviora nihilominus contra eos, neenon & contra civitates, communitates, universitates, & singulares personas quascumque, quæ fuissent in præmissis culpabiles, sicut protervia ipsorum exegerit, & viderimus expedire. Non obstante, si eis aut eorum aliquibus, vel alicui sub quacumque forma vel conceptione verborum, à sede Apostolica sit indultum, quod excommunicari non possint, per literas sedis eiusdem non facientes plenam & expressam, ac de verbo ad verbum de indulto huiusmodi mentionem, & qualibet alia dictæ sedis indulgentia generali vel speciali, cuiuscumque tenoris existat, per quam effectus præsentium impediri possit, vel quomodolibet retardari. Ut autem huiusmodi nostra monitio verius ad communem omnium notitiam deducatur, chartas sive membramas monitionem contingentes eandem, in ecclesia Avinion. appendi vel affigi ostiis seu superliminaribus eiusdem ecclesie faciemus, quæ monitionem ipsam suo quasi sonoro præconio & patulo iudicio publicabunt: ita quod omnes & singuli, quos monitio ipsa contingit vel contingere potest, nullam postea possint excusationem prætere, quod ad eos talis monitio non pervenerit, vel quod ignoraverint eandem: Cum non sit verisimile, remanere quoad ipsos incognitum vel occultum, quoad tam patenter omnibus publicatur. Datum Avinion. 2. Calend. April. Pontif. nostr. Anno I.

DE CRIMINE FALSI.
TITVLVS VI.
CAP. VNIC.

Alchimia hic prohibetur, & puniuntur facientes & fieri procurantes: quoniam tantum de vero auro & argento debent inferri in publicum, ut pauperibus erogetur, quantum de falso & adulterino possuerint. Et si eorum facultates non sufficiant, poena per iudicium discretionem in aliam commutabitur, & infames sunt. Et si sine clerici, beneficii habitus privantur, & ad habenda inhabiles efficiuntur. Vide extravaganantiam eiusdem Ioan. qua incipit, Provident. & est sub eod. tit. collocata.

Ioannes XXII.

SPONDENT a, quas non exhibent divitias, pauperes Alchimistæ: pariter, qui se sapientes existimant, in foveam incidunt, quam fecerunt. Nam

a Vide B. Thom. 2. 2. q. 77. art. 2. ad 1. arg. & ibi. Cajetanus O. drad. consil. 74. incip. an alchimista peccet. & late Cassanum in catalogo gloria mundi, part. 11. consil. 40.

PPPP